



# KOMMUNE KUJALLEQ

POSTBOKS 514 · 3920 Qaqortoq

21. marts 2018

**Suliassat allaaserinerat**  
uuma suliarinissaanut:

**QASSIARSUMMI EQQAKKANIK KATERSINEQ**

## 1. Aallaqqaasiut

Suliassaq

Suliassap massuma Qassiarsummi eqqakkanik passussineq aamma eqqagassalerineq anartarfilerinerlu imarai, makkulu pingaarnertut sammineqarput:

1. Eqqagassanik aallerneq, assartuineq eqqaanerlu.
2. Eqqaaviit puussiaannik pisiniarneq, toqqortarinineq ikkussisarnerlu.
3. Anartarfiit puussiaannik aallerneq, assartuineq kueraanerlu.
4. Anartarfiit puussiaannik pisiniarneq, toqqortarinineq tunniussisarnerlu.
5. Anartarfiit puussiaannut matusaatnik pisiniarneq, toqqortarinineq tunniussisarnerlu.

## 2. Suliap naammassinissaanut aalajangersakkat

a. Inatsisit nalunaarutillu il. il.

Paasissutissani taakunani ilassutit piumasaaqatillu sukannernerusut allaaserineqarsimasut aallaavigalugit ataatsimut isigalugu nalunaarutit makku attuupput:

- Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq.
- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq.
- Sullivinnik Nakkutilliisoqarfimmiit ilitersuutit D.2.24 - eqqagassalerinermut aqqissuussineq atuinerlu juulimeersoq 2009.
- Kommune Kujallermi eqqagassalerinermut maleruaqqusat atuuttut

b. Suliassap annertussusia

Suliassamut ilaapput Qassiarsummi eqqagassanik anartarfiillu puussiaannik aallerneq, assartuineq aammalu eqqaaneq makkuninnga pingaarnernik immikkoortortalik:

- Eqqagassalerinermi anartarfilerinermilu inissisimaffinneersunik aallerneq
- Eqqagassalerinermi anartarfilerinermilu inissisimaffinneersunik tigooqqaaviliaassineq
- Eqqagassanik tigooraavimmi eqqakkanik matoorussineq
- Anartarfiit imaasa kuerarneqartarneri
- Eqqakkanut puussianik pisisarneq, toqqortarininneq, tunniussisarneq ikkussisarnerlu
- Anartarfiit puussiaannik pisiniarneq, toqqortarinineq tunniussisarnerlu

c. Imaarsinerit amerlassusaat

- Nalinginnaasumik eqqagassalerineq: Martsip 21-at 2018 aallarnerfigalugu sapaatip akunneranut aallertarnerit 21-it.
- Anartarfilerineq: Martsip 21-at 2018 aallarnerfigalugu aallertarnerit 2-t.

Ilangussami 1-imi illut tamarmik nalunaarsorfiat suullu aaneqassanersut takuneqarsinnaapput.

- d. Najugaqarfimmi pissutsit  
Eqqagassalerisup akisussaaffigaa najugaqarfimmi pissutsit suliassanut neqeroorutaasut aaqqinneqarnissaannut pingaarutillit nammineq paasiniassallugit

Martsip 20-at 2018 aallarnerfigalugu Qassiarsummi innuttaasut 83-upput

- e. Sullivimmi avatangiisit aamma isumannaallisaaneq  
Sullivimmi avatangiisit pillugit malittarisassat tamarmik, aammalu suliaq aallartitsinnagu akuersissutit pisariaqartut tamaasa pissarsiarineqarsimanissaat eqqagassalerisup akisussaaffigaa.

Pissutsit atuuttut naapertorlugit sulisut sulinermik sukkassusiannik naleqqussaasinnaanngorlugit sulinerup pilersarusiorneqarnissaa eqqagassalerisup isumagissavaa. Suli aamma inuit illersuutininik teknikkikkullu atortunik atugassiissutigineqartunik atuisarnissaat ilitersuinikkut misissuisarnikkullu eqqagassalerisup qularnaassavaa.

Suliffimmi isumannaallisaanermi aalajangersakkat malinneqaqqullugit eqqagassalerisoq pisariaqartunik iliuuseqassaaq. Makku immikkut isiginiaqquneqarput:

- Eqqakkanit pujoralattunit minguttunillu sunnerneqarneq
- Kigginneq nakkarfigitinnerlu
- Eqqakkat kapinartut kilernartullu
- Timip inissisimanageratigut sillimaniarnikkut peqqissutsikkullu ajutoorfiusinnaasut
- Assersuutigalugu pujoralaat mingutsernartut imerpalasullu aqputigalugit uumassuilinnit tappiorannartunit sunnerneqarneq.
- Ammikkut iluaalliorfiusinnaasut sapigaqalerfiusinnaasullu

### 3. Eqqagassat nalinginnaat

- a. Eqqagassalerisoq nammineerluni eqqaavinnut puussianik pisisassaaq. Eqqakkanut puussiat eqqaaviit ikkuffiinut naleqquttuussapput angissuseqassallutilu: 700 x 1200 mm, minnerpaamillu 70 my-nik issussuseqassallutik.
- b. Eqqakkanut puussiat aserortussaajunnaarlugit toqqortarineqarnissaat eqqagassalerisup akisussaaffigaa.
- c. Eqqakkanut puussiat ajoqutillit atorineqannginnissaat eqqagassalerisup akisussaaffigaa.
- d. Eqqagassat nalinginnaasut eqqagassaasiviit aalajangersimasumik inissisimaffiiniit aaneqartassapput.
- e. Eqqagassaasivik imaarneqarpat eqqagassalerisoq eqqagassaasivimmut eqqortumik puussiamik nutaamik ikkussissaaq.
- f. Eqqakkanut puussiat ulikkaarsimasut ulikkaarluarsimanningsulluunniit inissiivimmiit aaneqassapput, puussiamillu nutaamik inissiivimmut ikkussisoqartassaaq ikkussarlu siaarneqartassalluni.
- g. Puussiat imaqanngilluinnarpata eqqagassalerisup imaassanngilai puussiamillu nutaamik

tunniussissanani.

- h. Eqqagassalerisoq makkuninnga tigusinissamut pisussaangilaq:
  - Puussiat ima ulikkaarsimatigisut userartoonagit imalunniit ilanngaqaartinnagit inaanniit peerneqarsinnaanngitsut.
  - Puussiat ima alissimatigisut userartoonagit imalunniit ilanngaqaartinnagit inaanniit peerneqarsinnaanngitsut. Puussiaq passunnerani alippat salinissaq eqqakkallu peerneqarnissaat eqqagassalerisup isumagissavaa.
  - Katersukkat imaat nalunanngivissumik immikkoortiternerlutaasut imaluunniit kommunip eqqagassalerinermut maleruaqqusaanik assorsuaq uniuusut.
  - Ataasiaannarluni siullerpaamillu pisoqartillugu eqqagassalerisup nammineerluni illuutilimmut imaluunniit attartortumut saaffiginninnermigut ajornartorsiut nammineerluni aqqiivigissavaa  
Uteqqiattumik pisoqartillugu Kommune Kujalleq attavigineqassaaq
- i. Eqqagassalerisoq qamutiniq motoorilinnik, puussianik assartuutiniq, kuustiniq, nivaattanik allanillu nammineq atugassaqartitsissaaq aserfallatsaaliisassallunilu.
- j. Qaasiarsummi eqqagassanik tigooraavimmut eqqagassanik tunniussineq ataasinngornermiit tallimangornermut nal. 07:00-ip 16:00-illu akornanni pisinnaavoq.
- k. Eqqagassalerisup eqqagassanik tigooraavimmi utaqqisarnissani akuerissavaa. Utaqqisoqassappat utaqqineq immikkut akilerneqassanngilaq.

#### 4. Anartarfilerineq

- a. Eqqagassalerisoq nammineerluni anartarfinnut puussianik pisisassaaq.
- b. Anartarfinnut puussiat aserortussaajunnaarlugit toqqortarineqarnissaat eqqagassalerisup akisussaaffigaa.
- c. Anartarfinnut puussiat ajoqtillit atorineqannginnissaat eqqagassalerisup akisussaaffigaa.
- d. Anartarfinnut puussiat naleqquttuussapput imalu annertussutsikkut uuttuuteqassallutik: 600 x 800, minnerpaamillu 150 my-nik issussuseqassallutik.
- e. Eqqagassalerisoq aamma ungerutissianik plastikkimik qallikkanik minnerpaamik 120 mm-inik takissusilinnik puunut matusaatiniq pisissaaq.
- f. Inissiivik suliap naammassinerani eqqiluillunilu torersuussaaq. Anartarfiit puussiaat innarlarsimappata uppittoorpataluunniit taamalu imai kuuttoorlutik salinissaq iluarsaassinissarlugu eqqagassalerisup piaartumik isumagissavaa.
- g. Anartarfiit imaannik kueraaneq kueraavissatut pisortaniit innersuussutigineqartumi pisassaaq. Anartarfiit puussiaat imaakkat kingorna nunaqarfiup ikuallaaviani ikuallanneqassapput.
- h. Anartarfiit imaat sapaatit akunnerisa naanerini nalliuttunilu qamutiniq motoorilinniitiinnarneqartassanngillat, aamma tipiliorlutik allatulluunniit illutik ajoqutaaffigisinnaasaminni unnuisinneqartassanatik.
- i. Anartarfiit imaannik kueraanerit suulluunniit Kommune Kujallermit akuerineqaaqassapput.

## 5. Pilersaarusiorneq aqutsinerlu

- a. Eqqagassalerineq anartarfilerisarnerlu ulluinnarni tallimani ingerlanneqartassaaq. Aallertarneq taamaallat pisassaaq ataasinngornermiit tallimanngornermut nal. 07.00-imiit 18.00-imut. Immikkut pisariaqartinneqarpit Kommune Kujalleq isumaqatigalugu aallertoqartarsinnaavoq.
- b. Eqqagassalerisup aallertarnini ima aaqqissuutissavai illut immikkut tamarmik ullormi aalajangersimasumi eqqaavii anartarfiilu aaneqartartussanngorlugit.
- c. Malittarisassaaq taanna aatsaat sanioqqunneqarsinnaavoq Kommune Kujallermut isumaqatigiissuteqarnikkut aammalu nalliuttuni pisariaqavikkaangat aatsaat aallinngitsoornissaa akuerineqarsinnaalluni, taamaattoqassappallu taava ullup aallertarfiup nalinginnaasup tulliani aallertoqassalluni.
- d. Nalliuttut nalaanni eqqagassalerisoq pisussaavoq sapaatit akunnerannut aallernerit naammatsikkumallugit immikkut aallertassalluni. Ullut nalliuttut tulleriit arlaliuppata eqqagassalerisoq Kommune Kujallermut allamik isumaqatigiissuteqarsimangikkuni nalliuttunissaaq aallerluni angalaartassaaq.
- e. Eqqaavinnik anartarfinnillu aallertarneq nalinginnaasumik pisinnaangippat eqqagassalerisoq tamatumingga Kommune Kujallermut ilisimatitsissuteqassaaq.
- f. Sila allaluunnit peqquutaalluni kinguaattoortoqassappat eqqagassalerisup piaartumik Kommune Kujalleq nalunaarfigissavaa.
- g. Eqqagassalerisoq aallertarnermini kinguaattoorsimaguni eqqakkat aaneqanngitsut piaartumik aaneqaqqullugit immikkut angalasassaaq. Taama immikkut angalanermut akileeqqittoqartassanngilaq.
- h. Angalanerit allassimaffiannik qaammat kingulleq allannguutininut nutartigaasumik suliaqartarnissamut eqqagassalerisoq pisussaavoq. Angallavinnik allattuiffik nutartigaq qaammammut akiligassiisummut ilanngullugu tunniunneqartassaaq. Imaartittartut nalunaarsimasut allannguuteqassappata nutaanilluunniit ilannguttoqassappat suliaq isumagineqartinnagu Kommune Kujalleq ilisimatinneqassaaq.

## 6. Katersinermit atortut

- a. Piumasaqaatit matuma kingulianiittut qamutininut motoorilinnut suliamik ingerlatsinerminni atugaannut tamanut atuupput, kiisalu qamutininut motoorilinnut kingusinnerusukkut eqqagassalerisup atorniarlugit toqqagaanut atuullutik. Allamik nalunaaruteqartoqanngippat piumasaqaatit aamma qamutininut motoorilinnut sillimmataasunut atuutissapput.
- b. Naatsorsuutigineqarpoq eqqagassalersioq qamutininut motoorilinnik atortussanillu pisariaqartinneqartunik pissarsisimassasoq attartorsimassasorluunniit, eqqiluitsuutitsissasoq aserfallatsaaliissasorlu, taamaalilluni piffissami isumaqatigiissuteqarfimmi tamarmi suliassat isumaqatigiissutigineqartut naammaginartumik isumannaatsumillu isumagineqarsinnaaniassammata.
- c. Kiisalu atortut atorineqartut nalinginnaasut atorsinnaajunnaassagaluarpata sillimmataasussanik naammattunik atuilernissaaq eqqagassalerisup akisussaaffigaa.
- d. Eqqagassalerisoq atortussanik sillimmateqanngippat eqqakkat aaneqanngitsut iginneqarnissaannut aningaasatigut akisussaatinneqassaaq.

- e. Atortussat, qamutit motorillit aaqqissorneqarnerat kiisalu sulisut illersuutissaat pillugit Sullivinnik Nakkutilliisoqarfiup piumasaqaatai peqqussutaalu malissallugit eqqagassalerisoq pisussaavoq.
- f. Qamutit motorillit assartuutillu Angallannermik Aqutsisoqarfiup Sullivinnillu Nakkutilliisoqarfiup malittarisassaanik naammassinninnissaat eqqagassalerisup akisussaaffigaa. Eqqagassalerisup nammineq akilerlugit biilit eqqagassalerinermi atornerqartut aserfallatsaalissavai.
- g. Qamutit motorillit nipiliorlutik, pujuliorlutik tipiliorlutillu annikitsuaraannarsuarmik akornusersuinissaat eqqagassalerisup qularnaassavaa.
- h. Qamutit motorillit ima suliarineqarsimassapput usilersorneqartassallutillu eqqakkanik anartarfiillu imaannik katersuinermi assartuinermilu maangaannartitsisoqarsinnaajunnaarlugit.
- i. Qamutit motorillit tamarmik kusanarlutillu saligaatsooqqullugit asanneqartassapput allatigullu salinneqartassallutik.
- j. Eqqagassalerisup qamutai motorillit isumannaallisaanermut avatangiisinullu tunngatillugu piumasaqaatinik atuuttunik naammassinnissinnaaqqullugit akuttunngitsumik misissorneqartassapput.

## 7. Nalinginnaasut

- a. Puussiat qanorluunniit imakitsigigaluarpata eqqagassalerisoq aalajangersimasumik akuttussusilimmik imaarsisassaaq. Illut inoqanngikkallarata imaluunniit najugaqarfigineqarpassinngippata puussiat ilumut imaarneqassanersut eqqagassalerisup misissortassavaa.
- b. Eqqaavinnik inissiivit eqqaasa aputaajarsimanissaat piginnittup attartortulluunniit pisussaaffigaa. Amigaateqarneq peqqutigalugu imaarsineq ajornassappat imaarseriaraluernerup kingorna e-mailikut Kommuna Kujalleq nalunaarfigineqassaaq. Assiliinikkut uppersaasiisoqarsinnaavoq.
- c. Puussiat toqqorsivimmiitinneqassanngillat.
- d. Puussiat nunaminertanut tamanut ammasunut imaluunniit inuit namminneq pigisaannut qimaannarneqassanngillat. Puiornikkut aallinngitsoortoqarsimatillugu eqqagassalerisoq tamatuminnga ilisimatinneqaruni kingusinnerpaamik ullormi suliffiusumi tulliuttumi kommunimut immikkut aningaasartuutaanngitsumik eqqakkanik anartarfiilluunniit imaannik aallissaaq.
- e. Eqqagassanik anartarfinnilluunniit aallerfimmik kikkut tamarmik tikittagaanni inuilluunniit namminneq pigisaanni nunaminertani aniasoortoqarpat kuisuuisoqarpalluunniit sulisut ingerlaqqitsigatik katersissapput saliissallutilluunniit.
- f. Katersuineq aqqutigeqqusatigut inunnut sapinngisamik ajoqutaannginnerpaamik ingerlanneqassaaq, inuillu pigisaat innarleqassanngillat eqqagassanillu kueraasoqassanani.
- g. Aqqusinernik matusisoqassagaluarpat, aqqusinernik aqqusineeqqanillu allannguisoqassagaluarpat kiisalu unioqqutitsilluni biilinik uninngatitsisoqassagaluarpat immikkut akilerneqarani pisarissersornissani eqqagassalerisup naammagissavaa. Taamatut pisoqartillugu eqqagassalerisup arlaatigut periutsimik allannguinikkut nalinginnaasumik imaarsisarneq isumagissavaa.

## 8. Pitsaassutsimik qulakkeerinnineq

- a. Ullut imaarsisarfiit allannguutaat allakkanik nakkartitsivimmut nalunaarummik

Qassiarsummi eqqakkanik katersineq  
Suliassat allaaserinerat:

nakkartitsinikkut inoqutigiit ataasiakkaat toqqaannartumik nalunaarfigineqassapput imaluunniit eqqaavimmut allanneqassallutik. Tamatumunnga aningaasartuutit eqqagassalerisup isumagissavai.

- b. Ullut imaarsisarfiit allannguutaannik Kommune Kujalleq sapaatit akunnerannik sioqutsisumik ilisimatinneqassaaq.
- c. Eqqagassalerisup nalunaarutit ilisimatitsissutitut agguaattakkani imarisai ilanngullugit sukumiisumik nalunaarsuisassaaq.
- d. Eqqagassalerisoq ulluinnarni aammattaaq nalunaarutit nalunaarsuiffiilluunniit nassiunneqartut nuutinnerinik Kommune Kujallermut nassiussaqaartassaaq.
- e. Ulluinnarni ingerlatsineq naammaginartumik ingerlasinnaaqullugu eqqagassalerisoq oqarasuaatikkut attavigineqarsinnaassaaq.
- f. Eqqagassalerisup saaffiginnissutit ingerlatsinermut tunngasut tamaasa nalunaarsortassavai. Eqqagassalerisoq saaffiginnissutit pillugit ingerlaavartumik nalunaarusiortassaaq kiisalu ajornartorsiut qanoq iliorfigineqarsimanerlugu nalunaarusiortassalluni.
- g. Illuutillit sullissineq pillugu naammagittaalliutaat eqqagassalerisumut toqqaannartumik naammagittaalliutigineqartassapput. Eqqagassalerisup aqqissinnaanngisaanik illuutilinniit najugaqartuniilluunniit saaffiginnittoqassagaluarpat taakku Kommune Kujallermut innersuussutigineqassapput.

-----  
\_\_\_\_\_